

DITLAMORAGO TŠA SEPHETHO SA TONA YA DITŠHELETE SA PUŠETŠO MORAGO YA VAT

Tshwane, 25 Aporele 2025 - Khomišinare wa Ditirelo tša Motšhelo tša Afrika Borwa (SARS), Mra. Edward Kieswetter o lemogile sephetho sa Tona ya Ditšhelete, Mra. Enoch Godongwana sa go bušetša koketšo ya '0.5% ya VAT yeo e bego e rerilwe go thoma go phethagatšwa ka la 1 Mei 2025. Sephetho se se na le ditlamorago tše kgolo go barekiši le bareki ba VAT. Bjale ka molaodi wa magato ka moka a motšhelo wa mmušo wa bosetšhaba, SARS e tla kgonthiša gore dipeakanyoleswa ka moka di a dirwa go amogela phetogo ye.

Go tlaleletša seo, Khomišinare o holofela gore barekiši le bareki ba ipeakanyeditše koketšo ya VAT (Motšhelo wa Boleng bja go Oketšwa) ka nakong yeo go bego go na le ditherišano Palamenteng le ditshwayotshwayo tša setšhaba.

Go ya ka polelo ya phatlalatšo ya ditaba ya Tona yeo e begilego pušetšo ya koketšo ya tekanyo ya VAT le kgatišo ya Tsebišo ya Mmušo ya Nomoro ya 6157 ya la 24 Aporele 2025, le go tsebišwa ka Palamenteng ka ga Ditekanyo le Palo ya Tšhelete le Phetošo ya Molaokakanywa wa Melao ya Motšhelo wa ditseno, wo o lebeletšwego go phasišwa ke Palamente, magato ao a latelago a tlo dirišwa go bareki ka moka ba VAT go thoma ka la 1 Mei 2025:

1. Barekiši ka moka ba VAT bao ba sa kago ba fetošā tekanyo, ba swanetše go emiša phethagalo mabapi le se.
2. Barekiši ba lebeletšwe go lefiša VAT ka tekanyo ya 15% e sego ka tekanyo ya 15.5% go dithoto le ditirelo tša maleba go ya ka Molao wa VAT. Barekiši ba ka diriša nako e nnyane go beakanyaleswa mekgwatšhomo ya bona go bega le go lefela VAT.
3. Ge morekiši a ka se kgone go boela go tekanyo ya 15%, ka lebaka la mararankodi a diphetogo tša mekgwatšhomo ao a ka hlokegago, bjale ka diphepo le dithekišo di swanetše go begwa gape go le maikarabelo a tekanyo ya 15.5% go fihlela nako yeo a kgonago go dira dipeakanyoleswa tša mekgwatšhomo tše di hlokegago tše di swanetšego go ba di phethagaditšwe pele ga la 15 May 2025.
4. Ditransekšene tša VAT tše di bego di lefišwa ka 15.5% di swanetše go begwa go sekgoba sa 12 (bakeng sa motšhelo wa o oketšwa) le sekgoba sa 18 (motšhelo wo o lefedišitšwego ka theko) tša pušetšo ya VAT.
5. Dipeakanyoleswa ka mekgwa wa ditefelalamorago ka tekanyo ya 0.5% go bareki le go tšwa go bafepi di swanetše go begwa ka go lekana go dikgoba tša 12 le 18 ka tatelano.

6. Ditsebišo tša dipušetšo tša VAT tšeo di dirilwego di tlo šetšwa ge go dirwa ditššetšo le/goba di oditi go sebaka sa motšhelo seo se amegilego sa VAT
7. Dipušetšo tša VAT tšeo di swanetšego go romelwa di tšwelapele go hlakantšha VAT ka othomethiki ka tirišo ya tekanyo ya 15% go tloga ka sebaka sa motšhelo goba dikgwedi tša go thoma ka la 1 Mei 2025.
8. Barekiši bao ba šetšego ba phethagaditše bobedi bja diphetogo tša ditekanyo le Tekanyo ya Lefela (Zero-Rating) ba hlohleletšwa go bušetša diphetogo tšeo pele ga la 1 Mei 2025.

Khomišinare Edward Kieswetter o boletše gore “o kwešiša tšharakano le hlakahlakano yeo e diregilego ka lebaka la tshepetšo ye. SARS e tla leka ka maatla go fana ka hlathollo e kaone go dira tššetšo ya boitlamo go barekiši ka moka.”

Go hwetša tshedimošo enngwe, ka kgopelo ikgokaganye le SarsMedia@sars.gov.za